

9.
Sennertus lib. 1. cap. 1. de febris, negativam etiam amplectitur
& siccitatem ad febris, quatenus febris, essentiam pertinere non
concedit. Non tamen diffitetur ad speciei cujusdam februm es-
sentiam pertinere, & in paucis febris, hecticis scilicet & arden-
tioribus, accidere statuit.

Nonnullis siccam intemperiem ob τὸ καυσωδέστατον καὶ ὀξύτεστατον;
nec non *διψαν σφοδράν* addere placet.

In utramque facientia partem argumenta, non levia, qui plu-
ra desiderat, videre potest *Zacutum Lusitanum de medicor. princip.*
hist. 5. libr. 4. questione 5.

CAPUT IV

subjectum causi ventilat.

Accidens cum sit morbus, habere debet subjectum, cui inhae-
reat & in quo sustentetur, ceu materiali causâ. Accidens enim
per se subsistere non valet. Duplex hoc est:

SUBJECTUM ut QUOD est totum corpus vivens, sive ho-
mo. Homo enim dicitur febricitare.

SUBJECTUM ut QUO primarium est COR, vitæ fons, atq;
adeò viventis corporis actionum, quæ per febrem læduntur, prin-
cipium, prout est totum & aggregatum ex omnibus suis partibus,
spiritibus, humoribus, solidis. Solida ipsius pars afficitur, imprimis
ea, quæ τῷ πάλχῳ *septo cordis* est contermina: in eâ uti præcipua
calidi nativi, ita & caloris febrilis sedes est; ex eâ sanguis secun-
dum tenuiorem & aeream suam partem, spiritus qui appellari pot-
est, & reliquam massam ipsam supercalefactus derivatur per arte-
rias in totum corpus. Sanguis est ἐν τῷ *θερμαίνθηνας*, solida cor-
dis substantia ἐν τῷ *θερμαίνεσθῃ.*

COR uti omnium, ita & præcipuè hujus ardentis subjectum
est primarium, adeò ut, etiamsi reliquæ partes corporis calorem
habeant non naturalem, is verò ad cor non pertingat, nunquam
oriatur febris. Statim autem atque ille cordi communicatur, fe-
bris suam nanciscitur denominationem. Hoc totius artis medi-
cæ suffragio approbatur, & rationibus prægnantissimis à calore

B

pulsu-